

Darumb spricht David Psal. 27. Dieses einige  
begere ich vom Herm / daß ich in seinem Hause  
allezeit wohnen müge.

So ist nun das allerndtigst vnd Erste / das  
man Christliche Lehre rein vnd ganz pflanze  
vnd erhalte / die Gott von seinem wesen vnd wil-  
len geoffenbaret hat / vnd die in der Propheten  
vnd Aposteln Schrifften / vnd in den bewerten  
Symbolis Apostolico, Niceno vnd Athanasio ge-  
fasset ist. Mit welchen auch gleich stimmen der  
Cathechismus vnd bekendtnuß Lutheri , vnd  
Confessio die dem Kexser zu Augspurg Año 1530.  
überandtwortet ist/wie imgleichen dern Apologia  
vnd Articuli Schmalkaldici.

Dieser Lehre Summa vnd alle nötige Stück  
sollen die Pastores selbst wissen vnd lernen / vnd  
dem Volck vngeselscht Ordentlich vnd Versten-  
diglich fürtragen/ daß das Volck ordentlich mer-  
cken könne/ alle nötige Stück vnd verstehe Unter-  
scheidt rechter Lehre vnd falscher Secten. Und  
Gott wircket vnd ist krefftig durch sein Wortt/  
wie der H E X R bittet. Vatter heilige sey mit

B

deiner